

## Treoirlíne Airgeadais P11-2022/2023

### Bunscoileanna

## Laethanta Saoire Poiblí 2023

### 1. Réamhrá

Ó 2023 ar aghaidh, beidh lá saoire poiblí bliantúil nua ann go luath i mí Feabhra mar chomóradh ar Lá Fhéile Bríde. Tiocfaidh an lá saoire poiblí ar an gcéad Luan de mhí Feabhra, seachas i gcás ina dtiteann Lá Fhéile Bríde (1 Feabhra) ar an Aoine, ina mbeidh an Aoine 1 Feabhra sin ina lá saoire poiblí. Beidh an chéad lá saoire poiblí seo ar an Luan 6 Feabhra 2023 an bhliain seo chugainn.

### 2. Laethanta saoire poiblí

Is iad seo a leanas dátaí na laethanta saoire poiblí in Éirinn do 2023:

Laethanta saoire poiblí 2022	
Lá Caille	1 Eanáir
An chéad Luan i mí Feabhra	6 Feabhra
Lá Fhéile Pádraig	17 Márta
Luan na Cásca	10 Aibreán
An chéad Luan i mí na Bealtaine	1 Bealtaine
An chéad Luan i mí an Mheithimh	5 Meitheamh
An chéad Luan i mí Lúnasa	7 Lúnasa
An Luan deireanach i mí Dheireadh Fómhair	30 Deireadh Fómhair
Lá Nollag	25 Nollaig
Lá Fhéile Stíofáin	26 Nollaig

Tugtar lá saoire bainc freisin ar lá saoire poiblí.

**Tabhair faoi deara:** Ní lá saoire poiblí é Aoine an Chéasta. Cé go ndúnann roinnt scoileanna agus gnólachtaí ar an lá sin, níltear i dteideal am saor ón obair sa ghnáthchúrsa.

### 3. Teidlíochtaí do laethanta saoire poiblí

Leagtar amach teidlíochtaí saoire poiblí fostaí san Acht um Eagrú an Ama Oibre 1997. Bíonn go leor fostaíthe i dteideal saoire íoctha a fháil ar laethanta saoire poiblí. Tá eisceacht ann le haghaidh fostaíthe páirtaimseartha áirithe.

### 3.1 Fostaithe páirtaimseartha

Bíonn fostaí páirtaimseartha i dteideal phá lae don lá saoire poiblí má shásaíonn siad an dá choinníoll sin araon:

- 1) D'oibrigh siad le d'fhostóir 40 uair an chloig ar a laghad sna 5 seachtaine roimh an lá saoire poiblí agus
- 2) Tagann an lá saoire poiblí ar ghnáthlá oibre duitse

Más gá duit obair ar an lá sin, beidh tú i dteideal pá le haghaidh lá breise.

Mura **n-oibríonn an fostaí de ghnáth** ar an lá áirithe sin, ba cheart dóibh aon chúigiú dá bpá seachtainiúil a fháil. Fiú amháin mura gcuirtear an fostaí ar uainchlár riamh le dul ag obair ar lá saoire poiblí, bíonn siad i dteideal ar aon chúigiú dá bpá seachtainiúil mar chúiteamh ar an lá saoire poiblí.

---

Mar shampla, conraítear fostaí le dul ag obair 15 uair an chloig in aghaidh na seachtaine ar an Máirt, ar an gCéadaoin agus ar an Déardaoin, agus a bhfuil ollphá €195 in aghaidh na seachtaine acu.

Don tseachtain ina dtagann lá saoire poiblí an Luain bíonn an fostaí i dteideal €39 ( $€195/5=€39$ ) le haghaidh lá saoire poiblí an Luain.

Rud a chiallaíonn gurb ionann an t-ollphá iomlán don tseachtain sin agus €234 ( $€195+€39$ ).

---

Má oibríonn an fostaí uaireanta athraitheacha ó sheachtain go chéile (cé is moite don ragobair), ba cheart an meánphá seachtainiúil le haghaidh na 13 seachtain roimh an lá saoire poiblí chun pá dlite don lá saoire poiblí a ríomh.

### 3.2 Nuair a thagann laethanta saoire poiblí ar an deireadh seachtaine

Má thagann lá saoire poiblí ar lá nach gnáthlá oibre le haghaidh na scoile é (mar shampla, ar an Satharn nó ar an Domhnach), bíonn tú fós i dteideal tairbhe an lae saoire poiblí sin a bhaint. Ní bhíonn aon teidlíocht dhlíthiúil uathoibríoch agat ámh an chéad lá oibre eile a thógáil ón obair.

## 4. Tuilleadh eolais

Is féidir tuilleadh eolais maidir le laethanta saoire poiblí a fháil ar láithreán gréasáin [Eolas do Shaoránaigh](#).

Guthán: 01 910 4020

[Primary@fssu.ie](mailto:Primary@fssu.ie)

Nollaig 2022